

Зурагъан 200 процент кўцәнәв

Аральск загъсна трестин Бугунә загъсна салгин кōдл-мшчнрин хуртг, 1957 джилә загъс анългъна зура ягълж кўцәгдснә диғ цәәлгъдж òгәд, тасрхан сәәнәр кōдлсн улсиг темдглдж мōрәлв.

Онъгъцар йовдж гōлмәр загъс анъндг кōгшн òвгн, Хōбчин Церн-Увш, терүнә кўүкнъ Òлзәг үнтә белгәр мōрәләд, Церн-Увшиг СССР-н загъсна промышленностин Министерствин болн Аральск загъсна трестин Бугунә салгин дирекцин Кундлгънә

грамотар ачлад, неринь Кундлгънә дектрт бичв.

СССР-н Деед Советин сунъ-гъвр болх òдр кўртл загъс анългъна зурагъан 200 процент кўргдж кўцәнәв гидж Хōбчин Церн-Увш бийдән социалистическ даалгъвр авля. Эн даалгъвран Церн-Увш темдгтәгъяр кўцәлжәнә. Январь сарин зурагъан 21 òдр кўцәгъәд, февраль сарин зурагъан дарунь кўцәхәр гўджрджәнә.

ЛАГИН Лидж.

Бугун селән.